

Broj: UP1-06-13-1-259-2/23
Mostar, 19.12.2023. godine

Na osnovu člana 19. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 17. i člana 35. stav (1) tačka c) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), postupajući po Zahtjevu za izmjenu i dopunu dozvole za rad (licence) broj UP1-06-13-1-259-1/23 od 30.11.2023. godine podnosioca zahtjeva „AREX“ d.o.o. Gradačac, Kerep bb, Gradačac, zastupanog po zakonskom zastupniku Mevludinu Omeroviću, u postupku izmjene i dopune Dozvole za rad (licence) za transport naftnih derivata drumskim saobraćajem broj UP1-06-13-1-56-1/21, Regulatorna komisija za energiju u Federaciji Bosne i Hercegovine – FERK je 19.12.2023. godine na XXIX redovnoj sjednici donijela sljedeće

R J E Š E N J E

1. Dozvola za rad (licenca) za transport naftnih derivata drumskim saobraćajem broj UP1-06-13-1-56-3/21 od 30.3.2021. godine imaocu dozvole „AREX“ d.o.o. Gradačac mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 24.8.2026. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Ovo rješenje je konačno, te se objavljuje na službenoj internet stranici FERK-a.

O b r a z l o ž e n j e

Dana 30.11.2023. godine FERK je pod brojem UP1-06-13-1-259-1/23 od podnosioca „AREX“ d.o.o. Gradačac primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj UP1-06-13-1-56-1/21 radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata.

Prilikom pregleda potpunosti podnesenog zahtjeva za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj UP1-06-13-1-56-1/21, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), FERK je utvrdio da je podneseni zahtjev potpun u smislu člana 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

S obzirom na to da su uz Zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-259-1/23 od 30.11.2023. godine podnosioca „AREX“ d.o.o. Gradačac i dokumentacije priložene uz zahtjev, izvršena je izmjena i dopuna Dozvole za rad (licence) za transport naftnih derivata drumskim saobraćajem broj UP1-06-13-1-56-1/21, radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, sa tim da su period važenja dozvole za rad (licence) kao i njeni uslovi ostali nepromijenjeni. Postavljeni uslovi uvažavaju potrebu, ali i obavezu „AREX“ d.o.o. Gradačac da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSJEDAVAJUĆEG FERK-a
Jasmin Bešo, s.r.